

სსიპ ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე პროფესორის სამსახურში მისაღებად რექტორის 09/06/2021 ბრძანება №: 83/01-01 საფუძველზე ბიოლოგიის დეპარტამენტის ბიომრავალფეროვნების კათედრაზე გამოცხადებული კონკურსის ჩატარების უზრუნველსაყოფად უნივერსიტეტის აკადემიური საბჭოს 12/07/2021 დადგენილება № 56/2021 პირველი პუნქტის საფუძველზე დამტკიცებული კომისიის სხდომის

ოქმი (შემაჯამებელი)

ქ. თბილისი 22 ივლისი, 2021 წ.

17:00

სხდომას კომისიის 5 წევრიდან ესწრებოდა 4 წევრი: 1. პროფესორი დიანა მიძიგური (კომისიის თავმჯდომარე); 2. პროფესორი ნანული კოტრიკაძე (კომისიის თავმჯდომარის მოადგილე); 3. ასოცირებული პროფესორი ელენე დავითაშვილი; 4. ასოცირებული პროფესორი ირინა მოდებაძე (კომისიის მდივანი).

დღის წესრიგი:

1. ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე ბიოლოგიის დეპარტამენტის ბიომრავალფეროვნების კათედრის პროფესორის ერთ ვაკანტურ თანამდებობაზე გამოცხადებული კონკურსის შედეგების შეჯამება და გამარჯვებული კანდიდატის გამოვლენა;
2. კონკურსის შედეგების ამსახველი შემაჯამებელი ოქმის შედგენა და უნივერსიტეტის აკადემიური საბჭოსათვის დასამტკიცებლად გადაცემა.

მოისმინეს: საკონკურსო კომისიის თავმჯდომარის პროფესორ დიანა მიძიგურის ინფორმაცია ორივე ეტაპის შედეგების განხილვის საფუძველზე მიღებული გადაწყვეტილებების და კონკურსის შედეგების შეჯამების შესახებ. მან აღნიშნა, რომ თსუ აკადემიური საბჭოს 12/07/2021 დადგენილება № 56/2021 დადგენილების საფუძველზე შექმნილ კომისიას საბუთები გადაეცა დალუქულ მდგომარეობაში და კომისია შეუდგა მუშაობას. კონკურსანტის შეფასება მოხდა 2 ეტაპად.

საკითხი 1

ბიომრავალფეროვნების კათედრის კონკურსანტი მაკა მურვანიძე

მოისმინეს: კომისიის თავმჯდომარის პროფესორ დიანა მიძიგურის შემაჯამებელი ინფორმაცია. მან მიმოიხილა კონკურსანტის მიერ წარმოდგენილი დოკუმენტაცია და გასაუბრების შედეგები. შეფასების I კატეგორია: კონკურსანტის მაკა მურვანიძის განათლება, აკადემიური/სამეცნიერო ხარისხი, სამსახურებრივი გამოცდილება და პედაგოგიური სტაჟი ვაკანსიის პროფილის შესაბამისია და მისი კვალიფიკაცია აკმაყოფილებს მოთხოვნებს.

II კატეგორიაში - პედაგოგიური გამოცდილების შესაბამისობა ვაკანსიის პროფილთან კონკურსანტმა მიიღო შეფასება - მაღალი, რადგან კონკურსანტის პედაგოგიური გამოცდილება,

სტაჟი, სასწავლო-მეთოდური საქმიანობა, მის მიერ წაკითხული კურსები ვაკანსიის პროფილის შესაბამისია. კონკურსანტის მიერ წარმოდგენილი სილაბუსების შინაარსი და ფორმა შეესაბამება თსუ-ში დადგენილ მოთხოვნებს და შედის ბიოლოგიის დეპარტამენტის საბაკალავრო/სამაგისტრო პროგრამების კურიკულუმის სავალდებულო საგნების ნუსხაში.

III კატეგორიის - სამეცნიერო-კვლევითი საქმიანობის ორივე პუნქტში (1. ხელს შეუწყობს კვლევითი პროფილის განვითარებას, საგანმანათლებლო და კვლევითი პროცესების ინტეგრაციას და 2. ხელს შეუწყობს თსუ-ის ეროვნულ და საერთაშორისო პოპულარობას) კომისიის გადაწყვეტილებით, კონკურსანტმა მიიღო შეფასება - მაღალი. კონკურსანტს გამოქვეყნებული აქვს პუბლიკაცია როგორც იმპაქტ-ფაქტორიან ჟურნალში (15), ასევე აქვს სხვა მნიშვნელოვანი პუბლიკაციები (სტატიები) (12); მონაწილეობა აქვს მიღებული საგრანტო პროექტში (3); ბოლო 6 წლის განმავლობაში წარდგენილი აქვს მოხსენებები საერთაშორისო (3), სამეცნიერო კონფერენციებზე. კონკურსანტის სამეცნიერო პროდუქტიულობის მაჩვენებლებია: c-408; h-11; g - 14.. კომისიისთვის შესაფასებლად წარმოდგენილია სამეცნიერო ნაშრომი, რომლებიც მაღალ სამეცნიერო დონეზეა შესრულებული და შესაბამისობაშია დარგთან. კონკურსანტის მიერ წარმოდგენილ სამეცნიერო კონცეფციაში მოცემულია ინფორმაცია მისი სამეცნიერო კვლევებისა, მისი მომავალი სამეცნიერო ხედვის და ასევე ვაკანტური თანამდებობის დაკავების შემთხვევაში მისი მომავალი გეგმების შესახებ.

IV კატეგორიის მიხედვით - სხვა სახის აქტივობები, კომისიის გადაწყვეტილებით კონკურსანტმა მიიღო შეფასება - მაღალი. კონკურსანტი ხელმძღვანელობდა ბაკალავრი სტუდენტთა ნაშრომებს; იყო სამაგისტრო და სადოქტორო ნაშრომების ხელმძღვანელი.

კომისიამ კონკურსანტს მიანიჭა პრეტენდენტის სტატუსი და პრეტენდენტი გადავიდა შეფასების მეორე ეტაპზე - გასაუბრებაზე.

გასაუბრების შედეგებით დადასტურდა, რომ პრეტენდენტი სამუშაო გამოცდილებით, ერუდიციით და პროფესიონალიზმით, უნარ-ჩვევებით, ქცევისა და მეტყველების მანერით, უნივერსიტეტის სტრუქტურისა და მართვის სისტემის ცოდნით, შეესაბამება საკონკურსო თანამდებობას.

მოქმედი დებულების თანახმად ჩატარდა ფარული კენჭისყრა.

კენჭისყრაში მონაწილეობა მიიღო კომისიის 4 წევრმა. აქედან გამომდინარე ერთი ბიულეტენი გაუქმებული იქნა.

კენჭისყრის შედეგები: მომხრე-4, წინააღმდეგი-0.

კომისიამ დაადგინა:

ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე ბიოლოგიის დეპარტამენტის ბიომრავალფეროვნების კათედრის პროფესორის ვაკანტურ თანამდებობაზე გამოცხადებულ კონკურსში კონკურსანტი მაკა მურვანიძე გამოვლინდეს გამარჯვებულად.

საკითხი 2.

საკონკურსო კომისიამ იმსჯელა და უნივერსიტეტის აკადემიური საბჭოს №118/2014 დადგენილებით დამტკიცებული აკადემიური პერსონალის სამსახურში მიღებისა და კონკურსის ჩაატრების წესის თანახმად ერთხმად

დაადგინა:

შემაჯამებელი ოქმი დასამტკიცებლად გადაეცეს უნივერსიტეტის აკადემიურ საბჭოს.


კომისიის წევრების ხელმოწერა

თარიღი: 22.07.2021


კომისიის თავმჯდომარე: პროფ. დიანა ძიძიგური



კომისიის თავმჯდომარის მოადგილე: პროფ. ნანული კოტრიკაძე



მდივანი: ასოც. პროფ. ირინა მოდეზაძე



წევრები:

ასოც. პროფ. ელენე დავითაშვილი

